

Livio Hermans ta duna recital na biblioteca



Dr. Livio Hermans.

ORANJESTAD - Livio Hermans ta duna un recital riba piano diadomingo 17 di februari di 6 or di atardi pa 8 or di anochi na Biblioteca Nacional Aruba den George Madurostraat.

Livio Hermans ta toca riba e vleugel di biblioteca. Pa e

prome parti di programa es ta toca musica clasico di siglo 18 y 19 y despues di pauze e ta dedica na musica Antiano y di Aruba.

Dr. Livio Hermans, un gran amigo di biblioteca, ta medico y apotheker, cu un talento y pasion grandi pa piano. Cu 7 aña Livio a haya su prome

les di piano cerca Miss Lilian van Dijck. Despues el a sigui cu les cerca maestro Edgar Palm, teoria di musica y en particular ehecucion di musica Antiano. Durante su estudio na Amsterdam el a tuma les di interpretacion di musica clasico di siglo 18 y 19.

Durante añanan Livio a duna diferente presentacion riba piano, tanto como solista como acompañaante na piano di p.e. 'Orfeon Crescendo' di Frank Davelaar na Corsou. Sinembargo su preferencia semper a bay pa acompaña na piano "das Lied". Na 1995 Livio a saca un CD di composicionnan di Edgar Palm q.e.p.d. como homenahe na e gran maestro aki.

Como un lesado y estudiante pa bida, Livio ta un fiel bishitante di biblioteca. Aman-tenan di musica clasico ta bon bini pa bishita biblioteca diadomingo pa gosa di un bunita recital di Livio Hermans. □